



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1707

Q. 217. Quænam dicantur bona conjugum dotalia, paraphernalia, antiphernalia, propria, communia; & quid circa ea possint maritus & uxor.

urn:nbn:de:hbz:466:1-42515

docent Cajet. Navar. Bann. Sayr. Less. Regin. Sanch.
Moya T. 6. D. 4. Q. 4. N. 14. *Dian.* P. 1. T. 6. R. 34.
 Limitat cum aliis *Amicus de Peccat.* D. 23. N. 236,
 nisi accipient, ut vendant aut donent aliis,
 tum enim Domini censentur esse magis rationa-
 biliter inviti: sed neque sic admittit Sporer T. 5. c. 5.
 N. 58. dicens præsumendum esse, quod Dominus
 etiam quoad substantiam sit invitus, quis enim
 dicat, si famulus per annum è cella vinaria acce-
 pisset medium amam, aut servus pistoris simila-
 gines pro sex Imperialibus, Dominum tantum
 quoad modum fore invitum?

2017 Q. 217. Quænam dicantur bona conjugum dotalia,
 paraphernalia, anti-phernalia, propria, communia;
 & quid circa ea possint maritus & uxor. R.
 §. 1. *Bona dotalia* dicuntur, quæ uxor affert
 marito ad sustinenda onera Matrimonii; &
 horum quidem dominium habet uxor, teneturque
 maritus ea ipsi servare, ac poterit post mortem
 mariti uxor de eis disponere; sed usum fructum
 & administrationem totam habet maritus. Putant
 quidem aliqui probabiliter uxorem posse de eis
 disponere pro tempore solvendi Matrimonii, quia
 hoc non videtur præjudicare marito, sed etiam
 probabiliter contradicit *Castrop. de Justit.* D. 9. P. 19.
 §. 3. N. 1, quia ipsam illa obligatio perseverandi
 in contractu præjudicat marito, in cuius favorem
 adhuc potuisset disponere uxor, hinc D. 2. P. 18.
 docet, ubi uxores prohibentur contrahere, etiam
 prohiberi donare, non tantum inter vivos, sed
 nequidem mortis causâ.

2018 §. 2. *Bona paraphernalia* seu præter-dotalia sunt,
 quæ uxor præterea affert; item quæ ipsa acquirit
 per industriam aut per laborem, ultra eum, quem
 familiæ debet; vel quæ ipsi donantur vel legantur,

aut

aut alio modo adveniunt citra mariti cooperatio-
nem ; item quæ à marito illi dantur tam
quoad Jus,quam quoad usum ; & horum habet
uxor de Jure communī plenum dominium &
administrationem ; quibusdam tamen locis aliter
statuitur,maximè si non attulit dotem, uti notant
Gob.in Quin.T.5.c.24.n.26. & Stephan.T.3.D.3.N.20.

§. 3. *Bona anti phernalia seu contra-dotalia* sunt,
quæ maritus assignat uxori in compensationem
reciprocam dotis , & horum dominium etiam
quoad usum fructum est penes maritum.

§. 4. *Bona propria mariti* sunt omnia,quæ is possi-
det,exceptâ dote,& quibusdam in locis parapher-
nalibus uxoris : *propria uxoris quoad Jus* est dos;
quoad Jus & usum sunt, plerisque in locis, para-
phernalia. *Communia* sunt,quæ durante Matrimo-
nio accedunt ex communib[us] bonis, dicunturque
superlucrata , quorum medietas , quoad Jus,
ad maritum , & medietas ad uxorem spectat,
quoad usum autem & administrationem omnia
spectant ad maritum tantum. Putant autem
multi Juristæ illa omnia esse communia , quæ
conjuges in Matrimonio lucrantur , etiam
proprio labore ordinario,emptione, venditione,
mutuo, censu seu ex redditibus, quia conjuges
habent communionem inter se & quasi contractū
societatis,ideoque multi dicunt mortaliter peccare
maritum & teneri ad restitutionem, si potu aut
aliter talia dilapidet: è contrà *Gobat* & *alii* dicunt
illa esse propria mariti,uti illa sunt propria uxoris,
quæ ipsa per propriam industriam, aut ex censu
paraphernaliam lucratur : sed in hoc spectanda
sunt Jura specialia locorum, & interrogandi sunt
viri prudentes : saltem consuetudo non habet,

Q q 5

ut

ut maritus restituat, si aliquid dilapidet vel lusu immodico perdat.

¶. 5. Si maritus nolit impendere sumptus necessarios ad medicinas pro se vel pro familia, potest uxor eos è bonis communibus accipere, quia quando maritus ostendit se irrationaliter invitum, ipsa licet administrationem suscipit, Cen. Gobat n. 35. & 37; hinc universaliter potest uxor etiam renuente marito ex bonis communibus expendere ea, quæ necessaria sunt ad impedendum damnum familiæ, prout fecit Abigail i. Regum 25. Similiter si pater filio ad bellum vel ad studia misso non suppeditet necessaria secundum statum, posse matrem mittere, docet Lugo de Just. D. 16. N. 68. cum aliis dicunt etiam aliqui licitum esse uxori facere extra-ordinarias eleemosynas pro mariti conversione vel salute, uti potest procurare medicinas, utiliter gerendo negotium illius, negat tamen hoc cum aliis Gobat, quia uxoris non est gerere negotium mariti in re, cuius eventus est ita incertus & impediri potest vel obtineri solâ voluntate ipsiusmet mariti; quidquid sit de hoc, videtur esse licitum uxori curare legi quandoque Missam, constituere peregrinationem & similia pro bono spirituali mariti vel familiæ, haec enim non videntur extra-ordinaria, si non sœpe nimis fiant: hinc universaliter dicit Lugo num. 69. esse satis probabile, quod possit ad eum finem facere eleemosynas moderatas juxta conditionem & statum, secundum Christianam prudentiam: quod autem Busenbaum adducit ex aliis apud Lugo num. 64. posse uxorem inscio marito in eleemosynas vel in munera dare vigesimam partem reddituum annuorum, meritò sic universaliter dictum improbant Lugo,

Sporer

Sperer num. 52. Tambur. Lib. 8. T. 2. c. 3. N. 2. Similiter non est licitum uxori facere extra-ordinarias eleemosynas , si maritus discessurus domo ei præscripserit certam quantitatem, ut enim potuisset totam administrationē domūs committere alteri, ita debet uxor administrare omnia, prout maritus sciens prudens iusserit, Gobat n. 39. Quod si maritus positivè prohibeat uxori, ne quidquam accipiat vel expendat, etiam in eleemosynas, Turrian. putat uxorem nil posse, quia maritus utitur Jure suo, & favent S. Antonin. & Navar. apud Lugo num. 65, quia S. Aug. relatus Cap. Quod Deo, 33. Quæst. 5. ait: *Nihil de tua veste, nihil de tuo auro vel argento vel quacunque pecunia aut rebus ulla terrenis tuis sine arbitrio viri facere debuisti.* E contrà Mol. Less. Regin. Bonac. Côn. aliique cum Diana P. 2. T. I. R. 33. dicunt nihilominus posse pro more aliarum mulierum similiūm, quia ista pertinent ad competentem & decentem sustentationem, ad quam Jus habet ; S. Augustinus autem loquitur de profusa eleemosyna, uti constat ex contextu.

§. 6. Si uxor marito absente vel fatuo administret bona, putat Navar. non posse plus impendere, nisi quantum maritus præsens vel suū compos expenderet ; è contrà Molin. Less. aliique cum Lugo n. 70. dicunt non teneri se ad hoc alligare, sed posse agere , prout judicabit juxta regulas prudentis administrationis, quæ ad ipsam nunc spectat : Si tamen maritus non sit ita fatuus, ut indigeat curatore, quamvis imprudenter res suas gerat, non ideo est licitum uxori in administrationem involare , potest tamen coadministrare, quantum necesse erit, Gobat n. 40. Quod si maritus bona communia ita dilapidet,

ut periculum sit, ne familia egeat, potest uxor clam ea tenere, quæ judicat fore in posterum necessaria sibi & familiæ, *Navar. Mol.* aliique cum *Lugo* n.67. & *Gobat* num.41.

1023 §. 7. Uxor non peccat, quando accipit ea, quæ maritus certò & facile concederet, si rogaretur, communiter enim est justa causa non petendi, ne se velut ancillam ostendat, ita cum aliis *Gobat* num. 33. & 46. Non est tamen licitum uxorii, si maritus repugnet, expendere aliquid cum animo illud computandi in partem sibi obuenturam post Matrimonium dissolutum, quia non habet administrationem bonorum, & injustè privaret maritum saltem usu illorum, *Mol. Lugo* n.66.

1024 §. 8. Si maritus aliqua assignaverit uxorii pro vestitu vel sustentatione familiæ ad certum tempus, & ipsa honestè vestiverit ac sustentaverit familiam, potest liberè disponere de superfluo, quia est veluti fructus industriæ, *Palud. Navar. Leß. Bonac. Molin. D.234. in fine, Dicast. de Justit. L.2. T.2. D.9. N.205. Gobat* num.47.

1025 §. 9. Potest ista facere uxor, non tantùm quando non attulit dotem, sed etiam quando necdum sunt bona communia, quia cùm maritus teneatur alere uxorem & familiam, peti possunt ista ex propriis ejus bonis. Nec refert, quòd fortè habeat uxor bona propria, quia hæc non tenetur expendere, nisi fortè alendi esent uxorius ipfius Parentes vel proles ex alio patre, vel fratres aut sorores, tum enim, si haberet, teneretur priùs ex propriis, *Bonac. aliique cum Gobat. n.51.* Advertit tamen *Lugo* n.72. posse uxorem congregare eleemosynas, quas dare posset externis, & eas tradere illis suis. Denique rectè monet *Gobat* non semper expedire hæc dici uxoribus, ne abutantur, sed potiùs consu-

consulendum, ut pro meliore concordia faciant omnia marito conscientio & consentiente.

Circa relata hactenus bona conjugum eorumque dominium & administrationem, videri possunt allegatae Leges aliisque plura apud *Illung* T. 4. D.2.Q.3.Art.4.

Q. 218. *Quenam dicantur bona filiorum-familias,* 1026
castræ, quasi castræ, adventitia, profectitia; &
quid circa ea possint tales filii. R. Præmittenda sunt aliqua cum *Illung* Artic.2, ubi fusè proponit, quæ dicemus, ac firmat adductis Legibus.

§. 1. *Filius-familias* (idem est de *filia-familias*) est filius naturalis vel adoptivus sub patria potestate constitutus, quacunque in ætate versetur: septem vero ætates distinguunt Juristæ, & sunt, *infantia* usque ad annum septimum inclusivè; *pupillaris ætas seu impubertas*, usque ad decimum quartum in masculis, & usque ad duodecimum in femellis; *pubertas*, usque ad decimum octavum; *plena pubertas seu adolescentia*, usque ad vigesimum quintum; *Juventus seu virilis ætas*, sic denominata à robore seu à viribus, extenditur usque ad sexagesimum; *senectus* usque ad octogesimum; *decrepita ætas seu senium* usque ad centesimum. Vide P.2.N.667.

§. 2. Aliquis constituitur in patria potestate, 1027
 vel per procreationem ex Matrimonio legitimo
 faltem existimato ab alterutro conjugum, vel
 per legitimationem prolis, quæ sit, aut subsequente
 Matrimonio aut Rescripto Principis, vel
 per adoptionem hominis liberi, de quibus omnibus
Illung referens etiam effectus patriæ potestatis
 ac modos, quibus finitur.

§. 3. *Bona castræ dicuntur*, quæ filius 1028
 acquirit tanquam miles, vel occasione belli;
 milites